

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA-SREDNJOBOSANSKI KANTON
KANTONALNO TUŽILAŠTVO/KANTONALNO TUŽITELJSTVO
TRAVNIK
Broj: T06 0 KT 0035674 24
Datum, 07.11.2024.godine

OPĆINSKOM SUDU U TRAVNIKU
- Sudiji za prethodno saslušanje -

Na osnovu odredbe člana 45. stav 2. tačka „h“. člana 241. stav 1. Zakona o krivičnom postupku Federacije Bosne i Hercegovine, podižem

OPTUŽNICU

Protiv:
M. T.

Zbog postojanja osnovane sumnje da je:

1. Dana 20.08.2024.godine oko 22,30 sati u mjestu Ričice bb, općina Travnik, pucanjem iz vatrenog oružja izazvao opasnost za život ljudi, na način da je u neposrednoj blizini porodične kuće svoga brata T. S. ispalio metak u zrak iz dugocjevnog vatrenog oružja, poluautomatske puške marke „Crvena zastava“ model M59/66 cal. 7,62 x 39mm ser. broja N-547418, svjestan da pucanjem iz vatrenog oružja u naseljenom mjestu sa dosta kuća i stanovnika unutar i ispred tih kuća može izazvati opasnost za život tih osoba ali je olako držao da do toga neće doći.

Dakle, pucanjem iz vatrenog oružja izazvao opasnost za život ljudi.

2. Dana 20.08.2024.godine u mjestu Ričice bb, općina Travnik, u porodičnoj kući u kojoj stanuje neovlašteno držao u svom posjedu vatreno oružje i to; dugocjevno vatreno oružje, poluautomatsku pušku marke „Crvena zastava“ model M59/66 cal 7,62 x 39mm ser. broja N-547418, protivno odredbama člana 8. stav 1. tačka a) u vezi sa članom 7. stav 2. tačka b) Zakona o nabavci, držanju i nošenju oružja i municije (Službene novine SBK 12/2014), sa pronađenom čahurom cal. 7,62x39mm koja potiče od metka ispaljenog iz predmetne poluautomatske puške i šest neispaljenih metaka cal. 7,62 x 39mm, svjestan da neovlašteno drži vatreno oružje čija nabavka građanima uopće nije dozvoljena, što je i hto, da bi dana 21.08.2024.godine od strane ovlaštenih službenih osoba PU Travnik prilikom pretresa njegove porodične kuće pronađeno i oduzeto.

Dakle, neovlašteno držao vatreno oružje čija nabavka građanima uopće nije dozvoljena.

Čime bi počinio krivično djelo „Izazivanje opće opasnosti“ iz člana 323. stav 1. KZ F BiH u sticaju sa krivičnim djelom „Nedozvoljeno držanje oružja ili eksplozivnih materija“ iz člana 371. stav 1. KZ F BiH u vezi sa članom 54. KZ F BiH.